



**Sámi allaskuvla**  
Sámi University of Applied Sciences

## Oahppobiraslávdegotti doaibmaplána



Dohkkehuvvon oahppobiraslávdegottis, 28.11.22. Public áššenr. 21/00082

[www.samas.no](http://www.samas.no)

# 1. Duogáš, váldomihttu, lágalaš čanastupmi ja aktevrrat

## 1.1 Duogáš ja doaibma

Dán doaibmaplána mihttu lea leat buot Sámi allaskuvlla studeanttaid ollislaš oahppobirrasa barggu stivrenneavvu. Plána lea oassi allaskuvlla kvalitehtavuogádagas. Sámi allaskuvlla stivrras lea bajit ovddasvástádus studeanttaid oahppobirrasa ovddas ja lávdegoddi lea lágas geatnegahtton ráđđeaddi orgána allaskuvlastivrii ja ásahusa ja ossodagaid/gođiid jođiheddjiide. Allaskuvla galgá atnit doaibmaplána aktiivvalaččat hábmen dihte buori oahppobirrasa gos studeanttat oassálastet aktiivvalaččat sihke fágalaččat ja sosiálalaččat. Plána lea doaimmas 28.11.2022 rájes ja rievdaduvvo dárbbu mielde.

## 1.2 Bajit mihttomearri

Sámi allaskuvlla strategiiaplánas 2022-2026 lea oahppobiras namuhuvvon earret eará ná:

- Sámi allaskuvllas galget buohkat dovdat oadjebasvuođa
- Sámi allaskuvlla áigu leat bevttolaš, áigeguovdilis ja geasuheadji ásahus mii fállá fáttmasteaddji ja dásseárvosaš birrasa studeanttaide ja bargiide.
- Sámi allaskuvla áigu ásahit studeantaviesu ja nannet studeantabirrasa ovttas Sis-Finnmárkku studeantaovttastusain.
- Sámi allaskuvla áigu doalahit oktavuođa ovddeš studeanttaiguin ja hukset fierpmádaga sin váste.
- Sámi allaskuvla áigu hábmet ja fállat vel eanet oahppofálaldagaid mat leat erenoamážit heivehuvvon eamiálbmogiidda

Oahppobiraslávdegoddi oaivvilda ahte Sámi allaskuvla galgá doarjut jurddašuvuogi ahte Sápmi lea viiddis ja ahte fertet fáttmastit buot sámiid ja buot sámeielaid. Sámi allaskuvla lea sámeielat eamiálbmotskuvla ja dat mielddisbuktá ahte min vuolggasadji lea sámi jurddašuvuohki ja pedagogihkka, mis lea eamiálbmotvuolggasadji buot min oahpuin ja min dutkamis. Olahan dihte mihttomeriid ferte Sámi allaskuvla ráhkadit universálalaččat heivehuvvon oahppobirrasa gos lea sadji buohkaide ja mii vuhtiiváldá studeanttaid mánggabealatvuođa. Olles allaskuvlla doaibma galgá dan speadjalastit vai čovdosat doibmet buot studeanttaide. Jus muhtun studeanttas leat dárbbut maid dábálaš čovdosat eai govčča,

de ferte allaskuvla dahkat individuála heivehemiid ja ovddidit doaibmabijuid mat veahkehit studeanttaid lihkostuvvat ja loaktit. Dat bidjá gáibádusaid buot bargiide geat barget oahpahemiin, bagadallamiin, iešguđetlágan doarjjafunkšuvnnaiguin ja hálddahusain, ahte galget veahkkin heivehit oahpu buot studeanttaide. Jus dakkár mihttomeari galgá olahit, de gáibiduvvo maid ahte buot studeanttat searvadahttet buohkaid ja oassálastet aktiivvalaččat dasa ahte ráhkadit buriid oahppodilálašvuodaidda sihke alcceseaset ja iežaset mielstudeanttaide.

### 1.3 Stivrendokumeanttat

Universitehta- ja allaskuvlalága (UHL) § 4-3 mielde lea oahppobiraslávdegoddi (OBL) dehálaš aktevra mii galgá veahkkin ovddidit fáttmasteaddji oahppobirrasa.

UHL § 4-3 čuožžu oahppobirrasa birra čuovvovaččat:

#### *§ 4-3. Læringsmiljøet ved institusjonen*

- (1) Styret har ansvar for at læringsmiljøet på institusjonen er fullt forsvarlig ut fra en samlet vurdering av hensynet til studentenes helse, sikkerhet og velferd.*
- (2) Styret skal sørge for at institusjonens alminnelige funksjoner er universelt utformet. Plikten til universell utforming omfatter institusjonens fysiske omgivelser, informasjons- og kommunikasjonsteknologien (IKT), inkludert det digitale læringsmiljøet. Plikten gjelder ikke utforming som innebærer en uforholdsmessig byrde for institusjonen, jf. likestillings- og diskrimineringsloven §§ 17 og 18.*
- (3) Styret skal, i samarbeid med studentsamskipnadene, legge forholdene til rette for et godt studiemiljø og arbeide for å bedre studentvelferden på lærestedet.*
- (4) Læringsmiljøet er de forholdene som virker inn på studentenes muligheter til å tilegne seg kunnskap, og som er av betydning for studentenes fysiske og psykososiale helse. I et helhetlig læringsmiljø inngår fysiske, digitale, organisatoriske, pedagogiske og psykososiale forhold som del av det helhetlige læringsmiljøet. Departementet kan i forskrift gi utfyllende bestemmelser om krav til læringsmiljøet.*
- (5) Institusjonens arbeid med læringsmiljøet skal dokumenteres og inngå som en del av institusjonens interne system for kvalitetssikring etter § 1-6.*

Oahppobiraslávdegotti giehtagirjjiis, maid Universell lea hábmen, čilgejuvvo oahppobiraslávdegotti ovddasvástádus, rolla ásahusas ja maddái konkreetta barggut mat lávdegottis leat.

Oahppobiraslávdegotti barggut leat:

- Oassálastit oahppobirasdoaimbajuid plánemii.
- Čuovvut dárkilit mielde daid áššiin mat gusket studeanttaid sihkarvuhtii ja čálgui.
- Čuovvut mielde váidagiin maid ásahus oažžu studeanttain oahppobirrasa hárrái.
- Buktit cealkámušaid dilálašvuodaid birra mat gusket studeanttaid oahppobirrasii.
- Oahpásnuvvat gohččumiidda ja eará ovttaskasmearrádusaide maid Bargobearráigeahčču mearrida.
- Sihkarastit jahkásaš raportta ásahusa oahppobirasbarggu birra stivrii.
- Vejolaččat bargat eará bargguid maid stivra addá.

#### 1.4 Akteverrat Sámi allaskuvlla oahppobirasbarggus

Universitehta ja allaskuvlalága § 4-3 mearrádusain oahppobirrasa birra bohtá ovdan ahte allaskuvlastivra galgá, ovttas studeantaovttastusain, láchit diliid buori oahppobirrasii ja ovddidit buori studeantačálggu oahppobáikkis. Dasa lassin lea Sámi allaskuvlla studeantastivra lunddolaš láidesteadji ja ovttasbargoguoibmi studeantasosiála geahččansajis. Oahppobiraslávdegottis lea erenoamáš ovddasvástádus čuovvulit dán doaimbaplána ja gozihit dan ahte studeanttat geat dárbbášit individuála heivehemiid, ožžot buriid heivehemiid oahpu vuolde dáppe.

## 2. Doaimbajut buori oahppobirrasii

### 2.1 Fysalaš oahppobiras

Fysalaš oahppobirrasii gullet visttiid ja fysalaš birrasiid hábmen ja geavaheapmi dainna lágiin ahte buot studeanttat ožžot buriid rámmaid oahppamii ja oahppandoaimmaide. Sámi allaskuvla galgá leat universálalaččat hábmejuvvon ja olámuttos buot studeanttaide.

Statsbyggas lea areálaprošeakta jođus mas bohtet buorideamit fysalaš birrasii sihke olgun ja siste.

Doaimma	Ovddasvástádus	Goas
Rahpat studeanttaide beassama Diehtosiidda 2.giardái čoavddakoarttain	Doaimmaossodat, doaimmahoavda	Čakčalohkanbádjji 2022
Sihkkarastit ahte studeanttaviesu prošeahta ovdána ja bearráigeahččat ahte studeanttaid dárbbut váldojit vuhtii ja sihkkarastit gaskaboddosaš čovdosa studeanttavissui gos studeanttat besset servvoštallat	Oahppobiraslávdegoddi, direktevra, SSO	Skuvlajahki 2022- 2023
Doallat buot studeanttaide sihkarvuodakurssa ja vuosttašveahkkekurssa duodjeossodagas.	Duodjeoahpaheaddji, doaimmaossodat	Skuvlajahki 2022- 2023
Sihkkarastit ahte studeanttaide leat dieđut gávdnamis maiddái fysalaš báikkis	Oahppohalddahus	Giđđalohkanbádjji 2023
Ásahit studeantastivrii bargobáikki/kánturbáikki	Doaimmahoavda, doaimmaossodat	Giđđalohkanbádjji 2023
Oahppobáikkiid/lohkanbáikkiid ásaheami oktavuodas eará báikkiide sihkkarastit buori oahppobirrasa studeanttaide geain lea eará oahppo/lohkanbáiki go Guovdageaidnu	Direktevra, campusstrategiija bargojoavku	Skuvlajahki 2023- 2024
Sihkkarastit ahte Diehtosiida ja olgoareálat lea heivehuvvon studeanttaide geain leat mánát. (Suhkosat, mánáide heivehuvvon areála sihke olgun ja siste)	Doaimmaossodat, doaimmahoavda	Skuvlajahki 2024- 2025
Aktiivvalaš areálaid olggos cegget (Basket, ballbinge, badminton)	Statsbygg, doaimmahoavda	Skuvlajahki 2024- 2025
Buoridit olgobirrasa olggobealde Diehtosiidda ee. čohkkánsajiid/beaŋkkaid bokte	Doaimmaossodat, doaimmahoavda, Statsbygg	Skuvlajahki 2024- 2025
Bearráigeahččat ahte doaimmashehttejuvvon studeanttaid beroštumit leat vuhtiiváldon ee.	Oahppohalddahus, doaimmaossodat, Statsbygg	Skuvlajahki 2024- 2025

sihkarvuoda dáfus, sihke siste ja olgun. (Universell utforming)		
--------------------------------------------------------------------	--	--

## 2.2 Psykososiála oahppobiras

Psykososiála oahppobirrasii gullet olmmošlaš oktavuodát oahppoproseassain. Dasa gusket loaktin ja ovttasdoaimma studeanttaid ja bargiid gaska, ja studeanttaid gaska.

Doaimma	Ovddasvástádus	Goas
Gulahallat ekstearna fágabirrasiguin ja ovttasbarggu bokte fállat fágalaš doarjaga studeanttaide geain leat váttut loaktimin dahje geat rahčet psykalaččat (Lágidit kurssaid, diehtajuohkimiid ja henget plakáhtaid main lea informašuvdna olámuttos daid fálladagaid birra, ovttasbarggu Guovdageainnu suohkaniin doavtterbálvalusa ektui ja vejolaččat eará ásaheassain studeantaráđđeaddibálvalusa ektui)	Direktevra/ Oahppohoavda/ SSO	Skuvlajahki 2022-2023
Bovdet studeanttaid searvat konferánssaide, dutkanprošeavttaide ja mátkkiide mat leat ávkin sin oahpuide	Fágagoađit/ fágaforumat/ oahppokoordinahtorat/ professorat	Skuvlajahki 2022-2023
Nannet dieđihanvuogádaga ja diehtajuohkima min dieđihanrutiinnaid birra	Oahppohoavda/ Oahppohálddahuš	Čakčalahkanbádjji 2023
Juohkit dieđuid studeantaáittardeaddji doaimma birra buot studeanttaide ja buoridit doaimma, oažžut kontinuehtta olles skuvlajagi čađa dan bokte ahte	Oahppohálddahuš	Gidđalahkanbádjji 2023

studeantaáittardeaddji fitná báikkis ja diehtujuohkinmateriála bokte.		
Studeantastivrra doaimma nannet ja fállat buori doaimbairrasa ja buriid bargoreaidduid studeantastivrra láhtuide (Evttohuvo guhkidit studeantastivrra áigodaga, buoridit čoahkkinbuhtadus ortnega, geahčadit studeantastivrra njuolggadusaid)	Oahppohálddahuš/ Rektoráhtta/ Direktevra/ Studeantastivrra	Ovdal 2023 čavčča studeantaválggaid
Movttidahttit studeanttaid evttohit ja ovddidit doaimbajuid mat nannejit psykososiála oahppobirrasa (Eaktun livčče ahte studeanttain lea báiki gos sáhttet lágídit doaimmaid, vai sáhttet deaivvadit ja lágídit sosiála doaimmaid)	Oahppohálddahuš, goađit, jođihangoddi	Giđđalohkanbáđji 2023
Leat dihtomielalaš ahte giellahástalusat sáhttet maid leat davvisámegielađi gaská (Norgga/Suoma/Ruođa)	Buohkat geat gulahallet studeanttaiguin	Birra jagi

### 2.3 Organisašuvrralaš oahppobiras

Organisašuvrralaš oahppobirrasii gullet máhčan- ja váikkuhanvuogádagat, vai lávdegoddi sihkkarastá studeanttaid váikkuheami ja oassálastima organisašuvdna- ja rievddanproseassain mat váikkuhit studeanttaid oppalaš oahppobirrasii.

Doaimma	Ovddasvástáduš	Goas
Láhčit buriid eavttuid studeanttaide geat aktiivvalaččat servet studeantademokrátalaš bargguide	Rektoráhta	Álgá skuvlajahki 2022-2023, birra jagi
Organisašuvrralaš rievddemiid oktavuodas gulahallat studeanttaovddasteddjiiguin ja sihkkarastit studeanttaid oassálastima dákkár proseassain	Direktevra	Álgá skuvlajahki 2022-2023, birra jagi

(Muitaluvvot proseassaid birra čoahkkimis studeanttaide, addot buoret áigi čuovvut proseassaid ja buktit cealkámuša)		
Movttiidahttit studeanttaid searvat allaskuvlla lávdegottiide ja stivrraide (Báلكá, fysalaš biras, searvevuolta, mátkkit, oktavuolta ja ovttasbargu eará sámi studeanttaserviiguin, buoridit válgavuogádaga. Studeantstivrii ordnet IT-rusttegiid) - Atnit árvvus válggaid ja studeantamielváikkuheami, várrejuvvot áigi daidda bargguide	Oahppohálddahuš Fágakoordináhtorat Studeantstivra	Juohke jagi
Doallat mánnosaš gulahallančoahkkimiid studeantstivrrain	Rektor/direktevra	Juohke jagi
Doallat gulahallančoahkkimiid studeanttaide juohke lohkanbajis -Sáhtta go lágidit fysalaččat ja fállat nuvttá lunšša?	Rektor/Direktevra	Juohke jagi

## 2.4 Digitála oahppobiras

Digitála oahppobirrasii gullet digitála ja huksehusa vuodđostruktuvrraid geavaheapmi ja ovdánahttin doarjjan studeanttaid teknologiiija oahppamii ja geavaheapmái digitála oahpponeavvuid ja oahppolávddiid ráhkadeamis.

Doaimma	Ovddasvástádus	Goas
Nannet Facebook- studeanttaid joavkku dassáži go E-campus boahta sadjái dahje ásahit ođđa studeanttajoavkku Facebookii. (Studeanttat leat ieža sávvan dán gulahallanarena geavahit)	Studeantstivra	2022 čakčalohkanbáji álggus



Vuoruhit E-campusa/digitála oahppobirrasa hábmema ja ásaheami	IT-/doaibmahoavda ja goađit	Skuvlajahki 2023-2024
Nannet studeanttaid gelbbolašvuođa digitála reaidduid ávkkástallama olis - Doallat studeanttaide kurssaid digitála reaidduid ávkkástallama olis sihkarastit digitála doarjaga ja ahte lea álki gulahallat IT-ossodagain	IT-/doaibmahoavda, goađit, oahppohálddahu	Juohke skuvlajagi
Nannet oahpaheddjiid gelbbolašvuođa jeavddálaš skuvlejumi bokte, sihke digitála reaidduid ja njuolggadusaid birra. - Hábmema njuolggadusaid ja bagadusaid digitála oahpahu lágideapmái.	Goađit Oahppohálddahu IT-ossodat	Juohke skuvlajagi

## 2.5 Pedagogalaš oahppobirras

Pedagogalaš oahppobirrasii gullet daid pedagogalaš doaimmaid rámmat mat váikkuhit studeanttaid oahppamii. Dasa gullet mihtuid, sisdoalu, doaimmaid ja árvvoštallamiid hábmen, muhto ráddjejuvvo daid ovttaskas oahppodoaimmaid kvalitehtaárvoštallamii. Buohkat galget sáhttit oassálastit oahpahu ja oažžut eanemus lági mielde ávki das. Fágalaš vástideddjiin lea ovddasvástádu aktiivvalaččat bargat dainna ahte láchit oahpahu iežaset oahpposurggiin.

Doaimma	Ovddasvástádu	Goas
Oahpuid evalueremiid oktavuodas dokumenteret ja deattuhit studeanttaid vásáhusaid ja sin árvvoštallamiid	Oahppohálddahu ja goađit	Bargu lea jođus
Oahpuid kvalitehta árvvoštallamiid čađahit jeavddalaččat -Easyquest liŋka Canvasis man bokte studeanttat sáhttet buktit árvvoštallamiid. Fágakoordináhtor berre áinnas várret áiggi dan deavdimii.	Oahppokoordináhtorat	Čakčalohkanbáji 2022 rájes (Lea jo jođus)

<p>Gaskkustit prográmmaoahpuid ja oahppoovttadagaid evalueremiid bohtosiid studeanttaide</p> <p>-Almmuhit bohtosiid Canvasii, vejolaččat doallat oktasaš čoahkkima gos bohtosat ovdanbuktojuvvojit</p>	<p>Goahtejođiheaddjit ja oahppohálddahuš</p>	<p>Ásahit vuogas vuogádaga dása, sávahahtti ahte álgit nu jođánit go vejolaš</p>
<p>Sihkkarastit ahte studeanttat besset oassálastit fágabeivviide, dutkanbeivviide jnv.</p>	<p>Fágakoordináhtorat/goađit</p>	<p>Álgá skuvlajagi 2022-2023, juohke jagi</p>
<p>Sihkkarastit ahte dieđut deaivvademiid, eksámeniid ja eará áigemeriid birra leat olámuttos buot studeanttaide.</p>	<p>Koordináhtorat</p>	<p>Juohke jagi</p>
<p>Giella:</p> <p>Oahpahuš galgá čađahuvvot dan gillii mii lea almmuhuvvon oahppo/-fágaplánas. Jus logaldallan lea eará gillii, de ferte dulkojuvvo. Koordináhtoriid giehtagirjjis leat eanet dieđut dán birra.</p>	<p>Goađit</p> <p>Koordináhtorat</p>	<p>Juohke skuvlajagi</p>

## 2.6 Mánnggakultuvrralaš oahppobiras

- Mo mii fátmmastit mánnggakultuvrralaš studeanttaid
- Oahpásnuvvan sámi kultuvrii ja maddái oahpásnuvvat sin kultuvrii

Doaibma	Ovddasvástádus	Goas
Ásahit doaibmajuid mat nannejit min olgoriika/guossestudeanttaid oahpásnuvama sámi kultuvrii ja sámi árvvuide	Oahppohálddahuš	2022-2023 skuvlajagi
Lasihit sosiála lágidemiid mas ulbmiljoavku leat min internášunála/guossestudeanttat	Studeantastivra	Skuvlajahki 2023-2024
Lágidit studeanttaide sierra láidesteami/kurssaid vuosttaš lohkanbaji mas oahpásnuvvet sámi kultuvrii. Ávkkástallat ofelaččain dán bargui, jus vejolaš.	Oahppohálddahuš/inte rnašunaliserenráđđead di/studeantastivra/fága bargit	Skuvlajahki 2023-2024
Movttiidahttit sohkaileid ja kultuvrraid rasttildeaddji doaimmaid vai nannet mánnggakultuvrralašvuoda ja rabasvuoda allaskuvllas	Studeantastivra	Birra jagi